



**Vun frieher un heit for Bensmer Leit  
Bergsträßer Anzeigebblatt 24.12.1949**



**„Woihnnoachde“**



Wie ich neilich Oowens doich die Schdadt ginge bin, häwwich bei däre feschdliche Woihnnoachdsschdimmung uuwillkierlich an moi aijeni Kinnerzeit zerickdenke misse. Aa sällemooll woarn die Schaufenschder voll vun schäine Sache un häwwwe zum kaafe oigeloare. Un wie die Kinner vun heit simmer doomools doich die Hauptschdroaß geschdroomert un häwwwe unser Noase ande Gloasscheiwe blattgedrickt, hinner deene däs veele Schbeelzeik geschdanne hot. Im schdille häwwwe mer uns äbbes devuu ausgesucht un dehaam ganz veschdouhle en Wunschzerrel geechrewwe und den gäje Oowend vors Fenschder geleggd. Wannner dann moijens veschwunne woar, häwwwemer gewißt, dassens Chrischdkinche gehollt hot.

Woas woar däs fore Gediewer wannde Bescheeroowend immer neher gerickt is. Woas häwwwe awwer ärschd die Kinneraage geschdroahlt, wanns dann endlich sou weit woar. „Es Chrischdkind is inde Schdobb droi un schdeckt awwel die Lichder ou!“, hots gehaaße, wies dunkel worrn is. Mer häwwwe gezärrert un gebääbt vor laurer Uffreegung. Dann hots pletzlich geklingelt, die Deer is uffgange un mer häwwwe glichschdroahlend vorm Zoggerbaam geschdanne mit soine veele bunte Lichdelchin, mit soim Geheng vun Zoggerwäik un Guutzelchin, mit soine goldne Niß, soine Ebbel un mit soim wärzige Dannedufd. Un uff dem Disch unnerm Baam woarn die klaane Iwwerraschunge veschdeckelt orrer offe hiegeleggd, vun dene mer schunn Doa un Noachd getraamt häwwwe. Gäje die heit woarnse joo orik bescheide. Awwer se häwwwe uns groad souen Schbaß gemoachd, als wie de jetzige Kinner der modärne Luxuskroom. Jeerenfalls woarn mer iwwerglicklich, un die Woihnnoachde aus moiner Kinnerzeit kann ich net vegässe un wann ich noch sou oald wär.

Wie häwwwemer als klaane Kinner  
Gefraat uns uff die Woihnnoachdszeit.  
Woar unser Zoggerbamm aa dinner  
Als wie där vunde reiche Leit,  
Die goldne Niß, die bunde Kärze,  
De Dufd vum frische Dannegrii,  
Däs woar for unser Kinnerhärze  
E schäini Woihnnoachtsmeledie.

Meer häwwwe ehrfoiditsvoll gesdidanne  
Aerschd ande Deer im Kärzeschoi.  
Dann simmer schichdern langsam anne  
bis mädde in die Schdobb enoi,  
Doo, uffem Dich, dem grouße runde,  
is uns de liewe Woihnnoächtsbaam

Mit soine Lichdelchin, de bunde,  
Erschiene wie en Märchentraam.

Un woas de Disch noch sunschd getroage,  
Däs hot mer uns jetz ausgedaalt.  
Wie häwwwe doo die Kinneraage  
Voll Seligkeit un Glick geschdroahlt!  
Dann häwwwemer e Lied gesunge,  
Aerschd leis un dann mit voller Bruscd  
Un sinn dann umde Baam geschbrunge  
In sorgelouser Kinnerluscd.

De Vadder un die Modder häwwwe  
Uns liewevoll ans Härz gedrickt,  
Un mancher Kuß, wuus doo hot gäwwwe,  
Där hot die Treene ball vescdickt,  
Wuu uns die Backe sinn erunner  
Gerollt vor laurer Seligkeit. —  
E Wält voll Licht, e Wält voll Wunner  
Is doch die frehlich - Woihnoachtszeit.

Säll Glick, däs is vebei for immer.  
O Kinnerzeit, wie leischde färn!  
Doch heit noch blinkt doin Kärzeschimmer  
Zu uns eriwwer wie en Schdärn,  
Wuu unser Doosoi, unser schweres,  
Erwärmt mit mildem Schdroahleschoi.  
Kennt doch am Woihnoachtsoowend jeeres  
Wie sällemool e Kind noch soi.

Ja, die Kinnerzeit is hoalt doch die schäinscd vum ganze Läwwwe. Als Kind guggd mer ganz annerschd in die Wält noi, als wie schbeerer. Mer sieht nor die Lichdseite vum Lääwe. Un wann aam wäklich mool es Groine oukimmt, dann is däs schnäll vebei un es Lache bricht am Enn doch wirrer doich. Beim Kind isses Lache un Groine in aam Seckelche. Wammer schbeerer orrer goar als oalder Mann sich in soi Kinnerzeit zerick vesetzt, dann mäikt mer ärschd sou richdig, woas mer verloorn hot un woase aam fors ganze Lääwe bedeid.

Mer is als Kind am glicklichiste im Lääwe.  
Däs mäikt mer ärschd, wann an soim Enn mer schdäiht.  
Woas nitzt dem Mensch soi Wolle un soi Schdrääwe  
Woas hilfts, wann aans vor volle Kischde schdäiht?  
Vun all soim ärdsche Reichdum un soim Schlemme  
Konn jou am Schluß mer doch nix mit sich nemme.

Doch woas aam bleibt, bis mer ins Groab gesunke,  
Is die Erinnerung an die Kinnerzeit;  
Un vun ehm Feier noch de letschde Funke  
Erleicht de Wää in die Unendlichkeit.

E schäini Kindheit, wär will däs beschdreire  
Dutt uns es ganze Lääwe lang begleire.

Woas all dezwische sich bot noigeschleche,  
Obs gut, obs schläächd, die Zeit däs schnäll vetreibt.  
Ball hot es Lääwe alles ausgeschdreche  
Aus de Erinnerung. — Nor die aa die bleibt,  
Un die wischt uns kaa Menscheschicksoal aus!  
Es is die Kindheit un es Vadderhaus.

Zuude schäinschde Erinnerunge aus friehere Zeite gehäijert aa es Woihnoachdsgeleit vunde Schdadtkäich. Wann am heilige Oowend die Glocke zammegeklunge hääwe, hot mer als Kind in Gedanke es Chrischdkinnche vum Himmel runnerkumme sähe, vollgepackt mit all deene schäine Sache, die wuu sich die Kinner gewinscht hääwe. Un wann dann doo däs Brumme un däs Drehne vunde Glocke iwver die veschnaischde Haiser un Schdroaße in die Schdärnoachd geschallt hot, dann is aam sou räächd de Sinn vunde Woihnoachdslieder zum Bewußtsoi kumme un oudachtsvoll hääwemer oigeschdimmt in däs schäinschde vun alle: „Schdille Noachd, heilige Noachd“.

Wie dann im Krieg die Glocke fort komme sinn, hääwese de Grouße unde Klaane e Schdick vun ehre Haamoat mit sich genumrne. Um sou gräißer is die Fraad bei alle Bensmer, daß die zerickgekehrte Glocke däs Joahr wirrer zum ärschde Mool es Woihnoachdsfesched oileite. Manche Erinnerunge an bessere Zeire wäärn wirrer wach, awwer aa an manche bittre Schdunne, die wuu zum Daal noch net veschmärzt sinn. Winsche un hoffe isses aanzige, woas uns schwache Mensche iwdrig bleibt. Die Hoffnung, daß sich alles noch zum Guure wend, sollmer net uffgääwe. Es is oft schunn annersched kumme als wie unser Menscheveschdann hot voraussähe kenne. Drum Kobb houch, de Blick noach owwe!

Hoich! Vum Torm die Glocke leite,  
Leite wirrer Woihnoacht oi!  
Manches Lied aus friehere Zeite  
Klingt uns doo ins Harz e noi.  
Un ehr Brumme un ehr Drehne  
Inde Woihnoachtsdemmerung  
Bringt manch Glick, aa bittre Treene  
Wirrer in Erinnerung.

Lang woarn Bensem se genumme. —  
Weil es Schicksoal es gewollt,  
Dasse wirrer zu uns kumme,  
Hot mer doomools se gehollt.  
Ja, de Mensch denkt nor bis Moije,  
Is zum Grolle gäärn bereit.  
Un vegäiht in Alldoagssoije!  
Gott nor is in Ewigkeit.

Loßt uns driwwer hääzlich freie,  
Dasse leite wie zevoor.

Ball begrießese däs neie,  
Hoffentlich aa bessre Joahr.  
Obs voll Glick, obs voller Treene,  
Waaß mers, woases Schicksoal bringt,  
Wann ehr Brumme, wann ehr Drehne  
Dann vum Torm erunnerklingt?

Nor de Mut net sinke losse!  
Aamool blieht aa unser Glick!  
Immer uffwärts, uuvedrosse  
Guggd! Nor vowärts, nie zerick!  
Wann dann unser Schdunn is kumme,  
Obse noh is orrer weit,  
Leite uns die oalde Glocke  
Oi e bessri, schönri Zeit.

Un doodemit winsch ich all moine liewe Lääserinne un Lääser e räächd glickliches frouhes  
Feschk.